

টোকিও অলিম্পিক যাদের নিশ্চিহ্ন করেছে



AUGUST 7, 2021 / ক্রীড়া বিদেশ 45



মোদাকির হাশমী

জাপানের টোকিও এখন উৎসবের শহর। বিশ্বের নানা দেশের অ্যাথলেট, রেকর্ডের ভাঙা-গড়া, জয়-পরাজয়ের সুর, পদক জেতার উচ্ছ্বাস গত কিছুদিন ধরেই টোকিওর অলিম্পিক ভিলেজের নিত্যগল্প। কিন্তু এ গল্পের নিচে ঢাকা পড়ে গেছে শহরটির অনেক গৃহহীন মানুষের আশ্রয় হারানোর গল্প।

টোকিও অলিম্পিক আয়োজনকে কেন্দ্র করে দেশটির সরকার গৃহহীন অনেক জাপানিজকে টোকিওর বিভিন্ন পার্ক, ফুটপাথ, নদীর ধার, রাস্তা থেকে উচ্ছেদ করেছে।

তবে এটি হঠাৎ করেই নয়, এ উচ্ছেদ প্রক্রিয়া মূলত শুরু হয়েছিলো আরও আগে থেকেই।

টোকিও ভিত্তিক সংগঠন সুরুরোই টোকিও ফান্ড বলছে, ২০১৩ সালে অলিম্পিক আয়োজক কমিটি যখন ২০২০ এর অলিম্পিক আয়োজক দেশ হিসাবে জাপানকে ঘোষণা করে, তখন থেকেই টোকিওর গৃহহীন মানুষদের উচ্ছেদের ব্যাপারে কঠোর সিদ্ধান্ত নেয় দেশটি।

এরই ধারাবাহিকতায় মেট্রোপলিটন কর্তৃপক্ষ গত ২৩ জুলাই টোকিও অলিম্পিক গেমসের উদ্বোধনী অনুষ্ঠানের আগে গৃহহীনদের অলিম্পিক ভিলেজের আশপাশের এলাকা খালি করার চূড়ান্ত নোটিশ পৌঁছে দেওয়া হয়।

জাপানের অন্যতম গণমাধ্যম দ্যা আসাই সিমবান তাদের প্রতিবেদনে তুলে ধরেছে এমনই একজন গৃহহীন নাগরিকের কথা।

টোকিও মেট্রোপলিটন কর্তৃপক্ষের প্রশাসনিক ভবনের কাছেই ফুটপাতে বসবাসরত ৬২ বছর বয়সী গৃহহীন ঐ নাগরিক জানান, এখানে অলিম্পিক অনুষ্ঠিত হবে। আর তাই গত ৮ জুলাই তার কাছে একজন প্রশাসনিক কর্মকর্তা সাদা কাগজে একটি নোট দিয়ে যান। সেখানে লেখা ছিলো, ২১ জুলাইয়ের মধ্যে আপনার জিনিসপত্র সরাতে। কারণ এগুলো রাস্তায় মানুষের চলাচলে অসুবিধা সৃষ্টি করছে।

তবে শুধু তিনিই নন, জাপানের বিভিন্ন সমাজকর্মীরা দাবি করছেন, অলিম্পিক আয়োজনের বলি হয়েছেন এমন শত শত বয়স্ক নাগরিক।

জাপানের রাজধানী টোকিওতে অলিম্পিক ভেন্যুতে অলিম্পিকের জন্য
লাগানো ব্যানারের নিচে রাত্রিযাপন করছেন জাপানিজ গৃহহীনরা। ছবি:
টাকায়াকি ফুজিনো

একইসাথে এই লোকগুলো যাতে রাস্তা, ফুটপাত, পার্ক এবং স্টেশনগুলোতে রাতে না ঘুমাতে পারে সেজন্য রাতে পার্কগুলো তালাবদ্ধ এবং আলোকিত করারও ব্যবস্থা নেওয়া হয়েছে।

এসব করার পেছনে অভিযোগ উঠেছে, জাপানের গৃহহীন মানুষের সমস্যা ও দারিদ্রের চিত্র ঢাকতেই দেশটির সরকার এমন ব্যবস্থা নিচ্ছে।

উল্লেখ্য, টোকিওর মেট্রোপলিটন কর্তৃপক্ষের জরিপে দেখা গেছে, জানুয়ারী ২০১৯ সাল নাগাদ টোকিওর পার্ক, নদীর তীর এবং বিভিন্ন স্টেশনে ১১২৬ জন গৃহহীন মানুষ বাস করছিলো।

তবে এই বছরের জানুয়ারিতে পরিচালিত একটি জরিপ অনুসারে সংখ্যাটি ছিল ৮৬২। তালিকায় থাকা ২৬৪ জনের অবস্থান এখনও অজানা।

[Home](#) » টোকিও অলিম্পিক যাদের নিশ্চিহ্ন করেছে



সর্বশেষ

মায়েদের চোখে কেমন মা দিবস?

[ফিচার](#)

যেভাবে মাইক্রোসফটে কুবি শিক্ষার্থী রাজীব

[ক্যাম্পাস](#)

ঈদ সামগ্রী নিয়ে ২৫টি পরিবারের পাশে কুবির “আমরা সবার বন্ধু”

[কুমিল্লা](#)

গবেষণামনস্ক প্রজন্ম তৈরির লক্ষ্যে কুবি গবেষণা সংসদের যাত্রা শুরু

[ক্যাম্পাস](#)

আমার লক্ষ্য বিশ্ববিদ্যালয়ের র্যাংকিং উন্নত করা: কুবি উপাচার্য

[ক্যাম্পাস](#)

Leave a Reply

